

四庫全書

集部

欽定四庫全書

集部

宋文鑑卷十七

詳校官監察御史劉湄

助教臣常循覆勘

總校官降調編修臣倉聖脉

校對官中書臣高中

謄錄監生臣王宮

欽定四庫全書

宋文鑑卷十七

宋 呂祖謙 編

五言古詩

分題得瘿木壺

呂公著

天地產衆材任材謂之智棟桷與楹杙小大無有棄方者以矩度圓者中規制嗟爾木之瘿何異肉有贅生成擁腫姿賦象難取類隱括所不施鉤繩爲爾廢大匠睨

而往惻然乃有意孰非造化功而終朽不器剗剔虛其中朱漆爲之偽輶漿挹酒醴施用惟其利犧象非不珍金罍豈不貴設之於楹階十目肯注視幸因左右容反見謂奇異人之於才性夫豈遠於是性雖有不善在教之揉勵才亡不可用由上所措置飾陋就其長皆得爲良士執一以廢百衆功何由備是惟聖人心能通天下志

寄題徑山懷郎簡侍郎

張環

天地一洲渚北平南歌危幽并深以厚江淞清且奇武林頗英秀川匯仍山界應接殫天巧類非人力為徑山最佳處有巖稱玉芝居防俗士駕地乃賢人冝郎公留名德平時為羽儀引年歸故里不復衣朝衣留侯黃石心白傅香山期結字名勝外日與塵事違泉石景物狀盡任諸賢詩伊宇來東藩濫持使者麾平生愛山水弗憚命駕之當候秋風高遠造巖下扉澣濯纓上塵散步松間綦未能繼高躅聊用慰所思

過介甫歸偶成

曾鞏

結文謂無嫌忠告期有補直道詎非難盡言竟多迂知  
者尚復然悠悠誰可語

劉景升祠

曾鞏

景升得二蒯坐論勝凶殘正當喪亂時能使憔悴寬綰  
紛多士至肅穆萬里安能收衆材助圖大信不難諸公  
龍鳳姿有待久盤桓得一固足興致之豈無端廼獨采  
擣櫟不知取椅檀蓋云器有極在理良足歎

看白雲愛而成詩

狄遵度

秋風吹白雲觸處自何谷初猶半洞門欵出遍巖腹零  
落依水湄片段挂枯木餘影透微白滅跡混空綠煙蘿  
自翳薈島淑徒縈曲安知蒼梧野下覆猿鳥哭誰能久  
徘徊返顧視黃鵠

哀老婦

李恭伯

里中一老婦行行啼路隅自悼未亡人暮年從二夫寡  
時十八九嫁時六十餘昔日遺腹兒今茲垂白鬚子豈

不欲養母豈不懷居繇役及下戶財盡無所輸異籍幸  
可免嫁母乃良圖牽車送出門急若盜賊驅兒孫孫有  
婦小大攀且呼回頭與永訣欲死無刑誅我時聞此言  
爲之長歎嗚天民固有窮鰥寡實其徒仁政先四者著  
在孟軻書吾君務復古旦旦師黃虞赦書求節婦許與  
旌門間緊爾愚婦人豈曰禮所拘蓬茨四十年不知形  
影孤州縣莫能察詔旨成徒虛而況賦役間羣小所同  
趨姦欺至骨髓公利未鎔銖良田歲歲賣存者惟萊汙



兄弟欲離散母子因變渝天地豈非大曾不容爾軀嗟  
嗟孝治主早晚能聞諸吾言又無位反袂空漣如

悠悠西江水送李殿丞

王回

殿中丞李侯清叔筦穎之酒事三年入朝闕下將別其  
往還寮友皆索言焉長樂王回辱清叔之交最深而慕  
其才志魁特將有以成功名於世也以謂挾此才潛此  
志者第循其本而完之則物之應者自廣然功名之成  
否豈足道哉故作悠悠西江水詩一章以興其義塞清

叔之索而聊寫其意云

悠悠西江水浩浩拍兩涯深涵食淵潭澄澄露陂池介  
鱗育性命跳泳各適宜人謀濟任途航楫又汨洄飄風  
吼天地白浪相翻飀颶旁觀駭非常水德自不虧風收浪  
還恬狎者終何疑賢豪應世務有本亦若茲剛明發其  
用愷悌以成之外物雖橫來我心固如夷功名豈足道  
請監江水詩

魯恭太師廟

韓維

善教邈無跡其流在民心君看魯太師廟食猶至今豈  
如文俗士朱墨坐浮沉趨營止目前不顧患害深去漢  
餘千載此弊竟相尋我行道祠下感激為悲吟不見田  
雉馴啼鴉空滿林

服除送兄弟還都

韓維

日月忽已遠再見新穀升喪期有常數吉我衣與纓俯  
仰自悲吒淚下肝膽崩尚惟立身報未即泯餘生肅肅  
忠憲公秉德輔休明報國有遺意訓言獨在聽況茲世

厚恩兄弟秩王庭一朝出門去事業各有營上當答君  
仁下以為親榮獨此抱痾瘵謝喧守柴荆掃冢奉時祭  
復田課春耕既無公家責聊徇狷者情出處雖云異要  
以道為程

靈溝道中

韓維

春風來無跡泱莽天地和羣生樂時陽衆鳥舞且歌嗟  
爾道旁吏寒餒獨見羅短席不自蔽皮骨撐枯柯呼童  
問所以口噤不得哦所見且如此況餘生齒多吾聞古

三代仁術固匪他老幼孤洎疾餽養平不顧斯道久寂  
寞吾悲其奈何

謁孔先生

韓維

月出高樹枝影動酒樽處樹深月色薄稍以燈火助主  
久喜我過斟酌亦云屢於時幸無累所談非近務涼風  
自遠至清景淡吾慮方斯西山秋歷覽陪杖屨

下橫嶺望寧極舍

韓維

驅車下峻坂西走龍陽道青煙人幾家綠野山四抱鳥

啼春意闌林變夏陰早應近先生廬民風亦淳好

景仁示去歲所賦菊屏菊塔二詩輒以一篇答之

韓維

斯民去古遠日與巧偽遷粲粲黃金花採屈同杯捲列  
屏聳浮圖光彩生盤筵匪惟悅羣兒愛詠及華顛我欲  
叱園吏解結除其編萬物有本性各使歸自然

讀書

傅堯俞

吾屋雖喧卑頗不甚蕪穢置席屋中間坐卧羣書內橫

風吹急雨入屋灑我背展卷殊未知心與昔人會有客  
自外來笑我苦癡昧且問何爲爾我初尚不對強我不  
得已起荅客亦退聊復得此心沾濕安足悔

舉舉媚學子

王令

舉舉媚學子居曰不吾知知而有不能無乃失於欺不  
知未為患不欺浩難期嗤哉天下懷何以天下為

呼鷄

王令

鷄呼鷄來前犬嗾犬至止夫豈必可召役以食乃爾令

吾曷為悲人而鷄犬為自計無自存西山謝夷齊

秋懷

王令

撼撼庭樹葉朝零非昔稠  
叨叨草蟲鳴暮急曉未休  
爾蟲無不平豈亦有哀憂  
胡為勞呻吟與士感傷投壯士  
亦何者哀哉與蟲酬所抱不列陳  
調苦難謠謳極目有遠見  
直懷羞曲求蒿藜襲久安功名忘前收  
日月忽未幾天地今復秋  
少壯負所懷老大安能謀  
生無前人功死骨埋泉羞  
胡為不奮飛徒與寒餓讐



雜詩

王令

古人重非道飢不苟豆羹有為非其心或不脫冕行如  
何後世人以官業其生鄙哉樂欺人猶以學爲名

采選示王聖美葛子明諸友

王令

酒搏厭運行衆客喧已醉忽得簿上籍共出聲名外派  
昂忽雄軒泯然亦馴致追爭相後先得失自愚智隨時  
有能稱逐釁得訶訾雖非人力爲適與天幸值或競以  
禍覆亦有終自遂卒無及物效徒有高人氣回樽變新

局忽若已異世嗟人久以迷高爵樂自嗜誰為衍衍飽  
競逐孜孜利矜驕侈雄奢摧折嘆淹滯昏昏忘所大擾  
擾爭其細安知茫昧間身非天所戲是非未暇辯歡戚  
先已至退之昔裁詩頗以豪橫恃暮年意氣得金玉多  
自慰買居紀廂榮顧影樂冠佩喜將閭巷好特與妻子  
議彼哉何足道進退茲焉係安知九列榮顧是德所累  
寧論聖人為適莫因以義有時曲肱樂不以易富貴吾  
曹頗勉修茲道久自詣何必問浮雲斯理固可視

介亭

孫覺

真人昔未起奔鹿駭四方連延天目山兩乳百里長有  
地跨江海無種生侯王中霄燎穹昊列石表壇場朱旗  
大梁野英氣吞八荒寥寥百年後故物亦已亡所餘彼  
嶢巖峰巔屹相望主人承明老星斗工文章築亭紫霄  
上坐客蒼株旁攀雲弄明月曉星生扶桑禹山隔波濤  
簡書永埋藏願逢希夷使水土還故常

讀魏世家

王安國

疊疊談先生古今誰有得施為雖緒餘要在情不匿嗟  
彼三代後淪胥入戰國翟璜聞一言俛俛慙李克論材  
稱權衡輕重無物惑吾心能如此乃可任人責

夏日獨居二首

王安國

竹笛數夏陰蘿蔓菽朝亮感此節物佳百骸適無恙委  
蛇投廣廈簫瑟絕遺響稍警簡編餘俄得冠裾放身雖  
勢利乖心遂弦歌尚默然想聖賢游世無得喪抱關秉  
翟間未分棄冗長人生適意難聊各安所鄉

哲哲池沼條綠萍隨下上鸞鸞堂廡燕白晝容俛  
仰顧我亦晏如環廬花樂長無材助太平得地幸  
閒曠稍披千古書日覺神明王乘間盼物情自適忘  
外獎涵濡覆載仁誰廢魚麗唱黃塵洮隴戍黑霧荆  
衡饒奔波喝道邊畢命營邊障吾此獨何為飛潛樂  
能饗何時聞解嚴慰彼西南望當使少陵翁得見廉  
恥將

堂上有遺羶

王安國

堂上有遺羶堂下無聚蟻但知嗜欲求不必風雨至客  
方笑營營貪得故無幾安知萬類中趨舍忘彼已天乎  
顧人寰等是一時戲受形巨細分貼患後先爾浸淫蚍  
蜉生穴柱從此始莊生亦知言信矣當棄智

忘言

王安國

宋國旌孝子東門毀以斃楚王好細腰後宮餒而殪物  
情信可憐徇外易生死身存寵可誇亡矣安所恃吾今  
思彼哉未足語釋利擾擾智驚愚卑卑學阿世吹噓出

虹蜺頰挫入塵滓愛憎雖人爲榮辱乃天使恩無斯須  
懷怨已塞天地百年呼吸中毫髮誰豫已適者默然窺  
陰陽驅意氣始終本何有一息累萬世由來適人適宿  
昔多如此喟余聊自欲安得忘言士

異服

王陶

辛有歎被髮趙靈喜胡服遂成陸渾戎終有沙丘辱用  
夷反變夏亡禮以從俗先王仁義術詎用北求福齊桓  
九合功不以兵車穀仲尼歎微管幾爲左袵屬爾來豪

俠兒往往異裝束耀武何必然禦戎有前躅余敢告司  
關異服宜禁肅

採鳧茨

鄭獬

朝攜一筐出暮攜一筐歸十指欲流血且急眼前饑官  
倉豈無粟粒粒藏珠璣一粒不出倉倉中羣鼠肥

兵器

陶弼

五代乏真主奸雄何僭偽橫磨濶刀劍白日相篡弑我  
宋有神祖潛德動天意故天意若曰往為我之嗣神祖



拜稽首乃即皇帝位不怠兆民樂不怒諸侯畏顛倒執  
玉帛奔走恐後至大商國三分一朝有其二太宗以義  
撫真宗以仁治王道竹箭直誦聲金鼎沸獨有陰山戎  
時時寇邊地天子赫斯怒大警巡澶衛射殺右賢王遂  
斷匈奴臂狼心帖然服結好同昆弟自此兩河間寂寂  
無戎備卒閒喜夜歌將老貪春睡自此為太平恍逾三  
十歲戎昊乘我間南馳賀蘭騎陽關久夜開樞朽不可  
閉陣雲起秦雍殺氣橫涇渭使臣股慄奏宰相瞋目議

無曰亟發兵豎子坑甚易倉惶築邊壘未戰力先瘁逼  
迫開庫兵土蝕鋒鏃脆防秋採舊屯推穀謀新寄舊屯  
老且死少者無實藝良由不訓練手足迷擊剗新寄將  
家子從小生富貴六韜未嘗讀口但知肉味師復從中  
御進退由閤寺權輕撓令冗兩戰無遺類曹公棄七軍  
晉人獲三帥吾兵自此喪有詔新其製此器不預設一  
旦何從致朝廷急郡縣郡縣急官吏官吏無它術下責  
蚩蚩輩耕牛拔筋角飛鳥禿翎翅斡截會稽空鐵烹堇

山碎供億稍後期鞭扑異他罪愁氛壅太虛霽景晝冥  
晦我聞郭汾陽料敵多奇異單箠諭突厥蕃長膝雙墜  
又聞李西平臨戎有英氣身著紅錦袍懷光肝膽碎是  
知用兵術在人不在器君耳舜高聽君目堯明視願採  
謀略長勿倚干戈銳

送同年蒲叔範察判杭州監

王疇

釋之久未調王粲嘗從軍謂言塞垣事壯氣橫風雲育  
材幸明代薦賢無令君如何漢酤冗沉此荆山珍萍氏

本幾酒周官有彛倫孝武事攘卻志清天地屯連兵無  
時已四海蕭然貧官始操釀具權之飽師人利源一以  
洩頽波蕩無垠糜穀費耒耜良藥爭清淳酒禁著律令  
犯笞及其身狂藥乃陷并傷哉堯舜民炎靈屬我后  
天資英且仁邦力早雄富漢制仍相循歲賦二十萬經  
入固已勤夫農天下酒科  
歲復緒如此彌年擁武節乘邊清國氛雄  
雄百萬師跨邁聯燕秦仰給傾府庫賞賚圖戎勲加飲  
猶不足返古當何云杭城東南劇地將湖海隣權利冠

天下旗亭壓重閨，彼雖斗筭職亦擇才英。臣風露氣已  
肅，溪潭寒彌新沙榜。朝泛泛吳濤，暮沄沄南州近。牛斗  
氣象雄霜昊，汀楓變老枿。赤葉晴相紛，嘗茶泊幽寺觀  
魚下輕輪行。當收翹楚寧復混，蒸薪無為狎吳叟。坐戀  
秋江蓴。

四事

邵雍

會有四不赴時有四不出

公會生會廣會曠會  
大寒大暑大風大雨無貴亦

無賤無固亦無必。里閭間過從身安心自逸。如此三十

年幸逢太平日

高竹

邵雍

高竹碧相倚自能發餘清時時微風來萬葉同一聲道  
污得夷理物虛含遠情階前閒步人意思何清平

巢鳥

張先

鳥啼東南林危巢鷦五六心在安巢枝一日千往復脫  
網得羣食入口不入腹窮生俾反哺豈能報成育

臨水

黃亢

人生朝復暮水波流不駐去年昨日水今日到何處惆  
悵雨殘花嫣紅隨水去花落水東流識盡人生事

次韻和子儀問蟬

黃庶

落日挂樹間長我亭下陰園林動秋意高蟬忽微吟清  
風轉餘聲杳若下遠岑微物感時節鏗錡吐商金古樂  
久破碎茲蟲抱金音荒忽尚偃蹇激起壯士心願為秋  
蟬操被之朱絲琴

自警

范純仁

憶昔為小官位卑職易營朋知喜其勤民口亦見稱中  
間忝臺諫已覺言難行然賴識者恕尚謂無咎傾數年  
忽遭遇用大過其能名虛稱不實任重力難勝具瞻不  
可欺舉動招譏評士論因不與自知亦甚明祿厚難報  
答徒茲驕侈萌子孫忘艱難服用饒誇矜清白素風滅  
冗長浮費增親舊多責望厚薄貽怨憎貧賤勝富貴古  
語信可憑請病蒙罷免方幸憂責輕俄復統一道撫民  
帥邊兵寇狂適偃蹇民疲未蘇醒勝負繫司命休戚及



羣氓細務委將佐大事稟朝廷所稟有違從委擇有不  
精差失雖豪釐致敗或立陵殞身何足道誤國玷家聲  
可不常惕懼臨淵履春冰庶幾免危溢書此為心銘

檢覆邾城旱田示同官及寄河南諸賢

劉敞

昔歲歉無年今麥仍薦饑罷民去南畝賤價捐東菑籍  
籍道路間餓者何累累藜藿不克腸蕭然旄與倪嗟我  
祿代耕每食為不怡徒懷仲由志身賤邾得施屬城上

民訟比牒皆苦詞奉詔實有無百聞謝一窺星言說桑  
田行與父老期觸熱不敢休重趼寧告疲郊原赤如赭  
秉穗無孑遺穰藝不可分四旁生瘠藁流行誠代有愚  
弱豈易欺附上亦有刑殘下罪攸司鄙夫不忍此告吏  
咸赦之庶茲咻噢恩足以蘇惛嫠大農急經費言利析  
毫釐二吾猶不足一切寧謂宜國僑敏爭承鄭邑用不  
危馮援焚券書田氏人若歸區區二小邦兩士能若斯  
當官在必行匪石安可移諸公悉吾友此志良弗非當

令狗路人一聽狂者詩

雜詩

劉攽

齊有梁丘據晉有樂王鮒據能愛晏嬰鮒欲殘叔譽二  
臣嬖兩朝事君為悅豫景有尚賢志據逆以為助平失  
宥善心鮒乃速其去毋以據為賢易地則同趣丈夫處  
世間必有遇不遇豈無覺者乎正色君亦悟區區嬖幸  
徒何忍就朋附

齊魯

劉攽

齊魯大儒師專門盛章句應物非已長何以責成務乃  
其忠孝心足以事君父不如商利徒反道趨詭遇剥床  
以及膚泉貨山嶽聚賜金再百斤封邑成千戶若毋天  
事變豈不厚且固商鞅既誅夷桑羊亦刀鋸寄言逢衣  
人施施幸安步

擬古

劉放

老萊隱窮楚因與時世隔春歸怪車轍夜起辟山澤若  
人不可見况肯低顏色安知叢臺下一旦三千客西遷

竟不還嗟哉莫良畫

漕舟

劉攽

漕舟上太倉一鍾具千金太倉無陳積漕舟來無極畿  
兵已十萬三垂戍更多廟堂萬濟帥將奈河東何

題福唐津亭

陳烈

溪山龍虎蟠溪水鼓角喧中宵鄉夢破六月夜衾寒風  
雨生殘樹蛟龍喜怒瀾殷勤祝舟子移棹過前灘

宋文鑑卷十七

欽定四庫全書

宋文鑑卷十八

宋 呂祖謙 編

五言古詩

懷賢閣

蘇軾

南望斜谷口三山如犬牙西觀五丈原鬱屈如長蛇有  
懷諸葛公萬騎出漢巴吏士寂如水蕭蕭聞馬搥公才  
與曹丕豈止十倍加顧瞻三輔間勢若風捲沙一朝長

星墜竟使蜀婦髻山僧豈知此一室老煙霞往事逐雲  
散故山依渭斜客來空弔古清淚落悲笳

和子由記園中草木二首

蘇軾

種柏待其成柏成人亦老不如種叢篁春種秋可倒陰  
陽不擇物美惡隨意造柏生何苦艱似亦費天巧天工  
巧有幾肯盡為汝耗君看藜與藿生意長草草

蘆筍初似竹稍開葉如蒲方春節抱甲漸老根生鬚不  
愛當夏綠憂此及秋枯黃葉倒風雨白花搖江湖江湖



不可到移植苦勤劬安得雙野鴨飛來成畫圖

愛玉女洞中水既致兩餅恐後復取而為使者見  
給因破竹為契使寺僧藏其一以為往來之信  
戲謂之調水符

蘇軾

欺謾久成俗關市有契孺誰知南山下取水亦置符古  
人辨淄澠皎若鶴與鳬吾今既謝此但視符有無常恐  
汲水人智出符之餘多防竟無及棄置為長吁

贈劉莘老

蘇軾

江陵昔相遇幕府稱上賓再見明光宮  
裁冠揖搢紳如今三見子坎坷為逐臣  
朝遊雲霄間欲分丞相茵莫落江湖上  
遂與屈子隣了不見喜愠子豈真可人  
邂逅成一歡醉語出天真士方在田里  
自比渭與莘出試乃大謬弱狗難重陳  
歲晚多霜露歸耕當及辰

甘露寺

蘇軾

欲遊甘露寺有二客相過遂與偕行  
寺有石如羊相傳謂之很石云諸葛孔  
明坐其上與孫仲謀論曹公也大

鐵鑊二案銘梁武帝所鑄畫師子一菩薩二陸探微筆  
李衛公所留祠在寺手植柏合抱矣近寺僧發古殿基  
得舍利七粒并石記乃衛公為穆宗皇帝追福所莖者  
也

江山豈不好獨遊情易闌但有相攜人何必素所歡我  
欲訪甘露當塗無閒官二子舊不識欣然肯聯鞍古郡  
山為城層梯轉朱欄樓臺斷崖上地窄天水寬一覽吞  
數州山長江漫漫却望大明寺惟見煙中竿很石臥庭

下穹窿如伏虯緬懷臥龍公挾策事瑯嶞十談收獅子  
再說走老瞞名高有餘想事往無留觀蕭公古鐵鑊相  
對空團團坡池受百斛積雨生微瀾泗水逸周鼎渭城  
辭漢盤山川失故態怪此能獨完僧繇六化人霓衣挂  
冰紈隱見十二疊觀者疑夸謾破板陸生畫青猊戲盤  
跚上有二天人揮手如翔鸞筆墨雖欲盡典刑垂不刊  
赫赫贊皇公英姿凜以寒古柏親手種挺然誰敢干枝  
撐雲峰裂根入石窟蟠薤草得斷碑斬崖出金棺瘞藏

豈不牢見伏理可嘆四雄皆龍虎遺迹儼未刊方其盛  
壯時爭奪肯少安廢興屬造物遷逝誰控搏況彼妄庸  
子而欲事所難古今共一軌後世徒辛酸聊興廣武歎  
不待雍門彈

僧清順新作垂雲寺

蘇軾

江山雖有餘亭榭着難穩登臨不得要萬象各偃蹇惜  
哉垂雲軒此地得何晚天功爭向背詩眼巧增損路窮  
朱欄出山破石壁很海間浸坤軸湖尾抱雲巘葱葱城

郭農淡淡煙村遠紛紛鳥鵲去一一漁樵返雄觀快新  
獲微景收昔遁道人真古人嘯咏慕嵇阮空齋臥蒲褐  
芒屨每日裊天憐詩人窮乞與供詩本我詩久不作荒  
澁旋鋤壑從君覓佳句咀嚙廢朝飯

西齋

蘇軾

西齋深且明中有六尺牀病夫朝睡足危坐覺日長昏  
昏既非醉踽踽亦非狂褰衣竹風下穆然中微涼起行  
西園中草木含幽香榴花開一枝桑棗沃以光鳴鳩得

美蔭困立忘飛翔黃鳥亦自喜新音變圓吭杖藜觀物  
化亦以觀我行萬物各得時我生日皇皇

司馬君實獨樂園

蘇軾

青山在屋上流水在屋下中有五畝園花竹秀而野花  
香襲杖屨竹色侵盞斝樽酒樂餘春碁局消長夏洛陽  
古多士風俗猶爾雅先生臥不出冠蓋傾洛社雖云與  
衆樂中有獨樂者才全德不形所貴知我寡先生獨何  
事四海望陶冶兒童頌君實走卒知司馬持此欲安歸

造物不我捨名聲逐吾輩此病天所赫撫掌笑先生年  
來效啗啞

除夜病中贈段屯田

蘇軾

躑躑三十九勞生已強半歲暮日斜時還為昔人歎

樂天

詩云行年三十  
九歲暮日斜時

今年一線在那復堪把玩欲起強持酒

故交雲雨散惟有病相尋空齋為老伴蕭條燈火冷寒  
夜何時旦倦僕觸屏風飢臆嗅空案數朝閉閣臥霜駿  
秋蓬亂傳聞使者來策杖就梳盥書來苦安慰不惟造



請緩大夫忠烈後高義金石貫要當擊權豪未肯覩衰  
懦此生何所似暗盡灰中炭歸田計已決此邦聊假館  
三徑粗成貲一枝有餘煖願君更信宿庶奉一笑粲

和頓教授見寄

蘇軾

我笑陶淵明種秫二頃半婦言既不用還有責子歎無  
絃則無琴何必勞撫玩我笑劉伯倫醉髮蓬萊散二豪  
苦不納獨以鍾自伴既死何用埋此身同夜旦孰云二  
子賢自結兩重案笑人還自笑出口談治亂一生溷塵

垢晚以道自盥無成空得懶坐此百事緩側聞頓夫子  
講道出新貫豈無一尺書恐不記庸懦陋邦貧且病數  
米珠稱炭慙愧章先生十日坐空館袖中出子詩貪讀  
酒屢煖狂言各煩慎勿使輸薪粲

京師哭任遵聖

蘇軾

十年不還鄉兒女日夜長豈惟催老大漸復成凋喪每  
聞耆舊亡涕泣聲輒放老任沉寄逸先子推革行文章  
少得譽詩語尤清壯吏能復所長談笑萬夫上自喜作

劇縣偏工破豪黨奮髯走猾吏嚼齒對姦將哀哉命不  
偶每以才得謗竟使落窮山青衫就黃壤宦遊久不樂  
江海永相望退耕本就君時節相勞餉此懷今不遂歸  
見纍纍塋望哭國西門落日銜千嶂平生唯一子抱負  
珠在掌見之齟齬中已有食牛量他年如入洛生死一  
相訪惟有王濬沖心知中散狀

張寺丞益齋

蘇軾

張子作齋舍而以益為名吾聞之夫子求益非速成譬

如遠遊客日夜事征行今年適燕薊明年走蠻荆東觀  
盡滄海西涉渭與涇歸來閉戶坐八方在軒庭又如學  
醫人識病由飽更風雨晦明淫跛蹙瘖聾盲虛實在其  
脉靜躁在其情榮枯在其色壽夭在其形苟能閱千人  
望見知死生爲學務日益此言當自程爲道貴日損此  
理在既盈願君書此詩以爲益齋銘

送鄭戶曹

蘇軾

水遶彭祖樓山圍戲馬臺古來豪傑地千載有餘哀隆

準飛上天重瞳亦成灰  
白門下呂布大星隕臨淮  
尚想劉德輿置酒此徘徊  
爾來苦寂寞廢圃多蒼苔  
河從百步響山到九里回  
山水自相激夜聲轉風雷  
蕩蕩清河壖黃樓我所開  
秋月墮城角春風搖酒盃  
遲君為坐客新詩出瓊瑰  
樓成君已去人事固多乖  
他年君倦游白首賦歸來  
登樓一長嘯使君安在哉

送李公擇

蘇軾

嗟余寡兄弟四海一子由  
故人雖云多出處不我謀  
弓

車無停侶逝去勢莫留僅存今幾人各在天一畝有如  
長庚月到曉爛不收宜我與夫子相與手足侔比年兩  
見之賓主更獻酬樂哉十日飲竹竹和不流論事到深  
夜僵仆鈴與騶頗嘗見使君有客如此不欲別不忍言  
慘慘集百憂念我野夫兄知名三十秋已得其為人  
不待風馬牛他年林下見傾蓋如白頭

懷西湖晁美叔同

蘇軾

西湖天下景遊者無愚賢深淺隨所得誰能識其全嗟

我本狂直早為世所捐獨專山水樂付與寧非天三百  
六十寺幽尋遂窮年所至得其妙心知口難傳至今清  
夜夢耳目餘芳鮮君持使者節風米爍雲煙清流與碧  
嶽安肯為君妍胡不屏騎從暫借僧榻眠讀我壁間詩  
清流洗煩煎策杖無道路直造意所便應逢古漁父葺  
間自寅緣間道若有得買魚勿論錢

種松得徠字

蘇軾

春風吹榆林亂英飛作堆荒園一雨過戢戢千萬栽青

松種不生百株望一枚一枚已有餘氣壓百畝槐野人  
易斗粟云自魯徂徠魯人不知貴萬竈飛青煤束縛同  
一車胡為乎來哉泫然解其縛清泉洗浮埃枝葉傷尚  
困生意未肯回山僧老無子養護如嬰孩坐待老龍蛇  
清陰滿南臺孤根裂山石直幹排風雷我今百日客養  
此千歲材時至黃不百日茯苓無消息雙鬢日夜催古今一俛  
仰作詩寄餘哀

以雙刀遺子由子由有詩次其韻 蘇軾



寶刀匣不見但見龍雀鏢何曾斬蛟蛇亦未切琅玕胡  
為穿窬輩見之要領寒吾刀不汝問有恨在其肝念此  
刀自藏包之虎皮斑湛然如古井終歲不復濶不憂無  
所用憂在用者難佩之非其人匣中自長歎我老衆所  
易屢遭非意干惟有王玄通堦庭秀芝蘭知子後必大  
故擇刀所便屠狗非不用一歲六七刳欲試百鍊剛要  
須更泥蟠作詩銘其背以待知者者

與王郎昆仲及兒邁遠城觀荷花二首

蘇軾

昨夜雨鳴渠曉來風襲月蕭然欲秋意溪水清可啜環  
城三十里處處皆佳絕蒲蓮浩如海時見舟一葉此間  
真避世青翳低白髮相逢欲相問已逐驚波沒

清風定何物可愛不可名所至如君子草木有嘉聲我  
行本無事孤舟任斜橫中流自偃仰適與風相迎舉杯  
屬浩渺樂此兩無情歸來兩溪間雲水夜自明

送俞節推

尚之子尚  
字退翁

蘇軾

吳興有君子淡如朱絲琴一唱三歎息至今有遺音嗟

余與夫子相避如參辰

退翁官於蜀余在京郎余歸而退翁去及余官於吳興則退翁

亡猶喜見諸郎窈然清且深異時多良士末路喪初心  
我生不有命其肯枉尺尋

東坡七首

蘇軾

余至黃二年日以困匱故人馬正卿哀余乏食為於郡  
中請故營地數十畝使得躬耕其中地既久荒為茨棘  
瓦礫之場而歲又大旱懇闢之勞筋力殆盡釋耒而歎

乃作是詩自慙其勤庶幾來歲之入以忘其勞焉

廢壘無人顧頽垣滿蓬蒿誰能損筋力歲晚不償勞獨  
有孤旅人天窮無所逃端來拾瓦礫歲旱土不膏崎嶇  
草棘中欲刮一寸毛喟然釋耒歎我廩何時高

荒田雖浪莽高庳各自適下濕種秔稻東原蒔棗栗江  
南有蜀士桑果已許乞好竹不難栽但恐鞭橫逸仍須  
卜佳處規以安我室家僮燒枯草走報暗井出一飽未  
敢期瓢飲已可必

自昔有微泉來從遠嶺背穿城過聚落流惡壯蓬艾去  
為柯氏陂十畝魚蝦會歲旱泉亦竭枯萍粘破塊昨夜  
南山雲雨到一犂外泫然尋故瀆知我理荒蕪泥芹有  
宿根一寸嗟獨在雪芽何時動春鳩行可膾

蜀人貴芹  
芽膾雜鳩

肉作  
之

種稻清明前樂事我能數毛雨暗春澤針水聞好語

蜀人

以細雨為雨毛稻初生  
時農夫相語稻針水矣

分秧及初夏漸喜風葉舉月明

看露上一一重珠縷秋來霜穗重顛倒相撐柱但聞畦

隴間蚱蜢如風雨

蜀中稻熟時蚱蜢羣飛田間如小蝗步而不害稻

新春便入

甌玉粒照筐筥我久食官倉紅腐等泥土行當知此味  
口腹吾已許

良農惜地力幸此十年荒桑柘未及成一麥庶可望投  
種未逾月覆塊已蒼蒼農夫告我言勿使苗葉昌君欲  
富餅餌要須縱牛羊再拜謝苦言得飽不敢忘

種棗期可剝種松期可斲事在十年外吾計亦已慙十  
年何足道千載如風電舊聞李衡奴此策擬可學我有

同舍郎官居在瀟岳

李公擇也

遺我三寸柑照坐光卓犖百

裁儻可致照坐春冰渥想見竹籬間青黃垂屋角

潘子久不調沽酒江南村郭生本將種賣藥西市垣古  
生亦好事恐是押衙孫家有十畝田無時容叩門我窮  
交舊絕三子獨見存從我於東坡勞餉同一殮可憐杜  
拾遺事與朱阮論吾師卜子夏四海皆弟昆

冬至日贈安節

蘇軾

我生幾冬至少小如昨日當時事父兄上壽拜脫膝十

年閱凋謝白髮催衰疾瞻前惟兄三顧後子由一近者  
隔濤江遠者天一壁今朝復何幸見此萬里姪憶汝總  
角時啼笑為梨栗今來能慷慨志氣堅鐵石諸孫行復  
爾世事何時畢詩成却超然老淚不成滴

陳季常見過二首

蘇軾

仕宦常畏人退居還喜客君來輒館我未覺雞黍窄東  
坡有奇事已種十畝麥但得君眼青不辭奴飯白

送君四十里只有一帆風江邊千樹柳落我酒盃中此



行非遠別此樂固無窮但願長如此往來一生同

初秋寄子由

蘇軾

百川日夜游物我相隨去惟有宿昔心依然守故處憶  
在懷遠驛閉門秋暑中藜羹對書史揮汗與子同西風忽  
淒厲落葉穿戶牖子起尋袂衣感歎執我手朱顏不可  
恃此語君勿疑別離恐不免功名定難期當時已悽斷  
況此兩衰老失塗既難追學道恨不早買田秋已議築  
室春堂成雪堂風雨夜已作對床聲

過建昌李野夫公擇故居

蘇軾

彭蠡東北源廬阜西南麓何人修水上種此一雙玉思  
之不可見破宅餘脩竹四隣戒莫犯十畝森如束我來  
仲夏初解籜呈新綠幽鳥向我鳴野人留我宿裴回不  
忍去微月挂喬木遙想他年歸解組巾一幅對床老兄  
弟夜雨鳴竹屋臥聽隣寺鐘書窓有殘燭

栖賢三峽橋

蘇軾

吾聞太山石積日穿綫溜況此百雷霆萬世與石鬪深

行九地底險出三峽右長輸不盡溪欲滿無底竇跳波  
翻潛魚震響落飛狖清寒入山骨草木盡堅瘦空蒙煙  
靄間傾動金石奏彎彎飛橋出歛歛半月殼玉淵神龍  
近雨電亂晴晝重瓶得清甘可噉不可噉

高郵陳直躬處士畫鳩

蘇軾

野鴈見人時未起意先改君從何處看得此無人態無  
乃槁木形人禽兩自在北風振枯葦微雪落璀璨慘淡  
雲水昏晶瑩砂礫碎弋人悵何慕一舉眇江海

次韻玉觀正言喜雪

蘇軾

聖人與天通有詔寬獄市好語夜傳街濕雲朝覆砌紛  
然退朝後色映宮槐媚欲誇翦刻工故上朱藍袂我方  
執筆待未敢書上瑞君猶伏閣爭高論亦少慰霏霏止  
還作盎盎風與氣神龍久潛伏一怒勢必倍行當見三  
白拜舞懽萬歲歸來飲君家酣詠追既醉

故李承之待制六丈挽詞

蘇軾

青青一寸松中有梁棟姿天驥墮地走萬里端可期世

無阿房宮可建五丈旗又無穆天子西征燕瑤池材大  
古難用老死亦其宜丈夫恐不免豈患莫已知公如松  
與驢少小稱偉奇俯仰自廊廟笑談無羗夷清朝竟不  
用白首仍憂時願斬橫行將請烹乾沒兒言雖不見省  
坐折蝨雄窺嗟我去公久江湖生白髭歸來耆舊盡零  
落存者誰比公絁中散龍性不可羈疑公李北海慷慨  
多雄詞淒涼五君詠沈痛八哀詩邪正久乃明人今屬  
公思九原不可作千古有餘悲

送范純粹守慶州

蘇軾

才大古難用論高常近迂君看趙魏老乃爲滕大夫浮  
雲無根蒂潢潦能須臾知經幾成敗得見真賢愚羽旄  
照城闕談笑安邊隅當年老使君赤手降於菟諸郎更  
何事折箠鞭其雛吾知鄧平叔不闕月支胡

送千乘千能兩姓還鄉

蘇軾

治生不求富讀書不求官譬如飲不醉陶然有餘歡君  
看龐德公白首終泥蟠豈無子孫念顧獨遺以安鹿門

上冢回牀下拜龍鸞躬耕竟不起耆舊節獨完念汝少  
多難冰雪落綺紈五子如一人奉養真色難烹雞獨餽  
母自饗苜蓿盤口腹正累人寧我食無肝西來四千里  
敝袍不言寒秀眉似我兄亦復心間寬忽然捨我去歲  
晚留餘酸我豈軒冕人青雲意先闌汝歸蔣松菊環以  
青琅玕愴陰三年成可以挂我冠清江入城郭小圃生  
微瀾相從結茅舍曝背談金鑾

故周茂叔先生漁溪

蘇軾

世俗眩名實至人疑有無怒移水中蟹愛及屋上鳥坐  
令此溪水名與先生俱先生本全德庶退乃一隅因拋  
彭澤米偶似西山夫遂即世所知以為溪之呼先生豈  
我輩造物乃其徒應同柳州柳聊使愚溪愚

歐陽叔弼見訪道陶淵明事因語及元載之死歎  
其識有淺深退作此詩

蘇軾

淵明求縣令本緣食不足束帶向督郵小屈未為辱  
然賦歸去豈不念窮獨重以五斗米折腰營口腹如何



元相國萬鍾不滿欲胡椒銖兩多何用八百斛以此殺  
其身何啻抵鵲玉往者不可悔吾其返自燭

竹間亭小酌懷歐陽叔弼季弼呈趙景貺陳履常

一首

蘇軾

歲暮自急景我閒方緩觴醉餘西湖晚步轉北渚長地  
坐略少長意行無澗岡久知薺麥青稍喜榆柳黃盎盎  
春欲動潏潏夜未央水天鷗鷺靜月霧松檜香撫景方  
婉婉懷人重淒涼豈無一老兵坐念兩歐陽我意正麤

廉君才亦圭璋此會恐難久此歡不可忘

東府雨中別子由

蘇軾

庭下梧桐樹三年三見汝前年適汝陰見汝鳴秋雨去  
年秋雨時我自廣陵歸今年山中去白首歸無期客去  
莫歎息主人亦是客對牀定悠悠夜雨空蕭瑟起折梧  
桐枝贈汝千里行歸來知健否莫忘此時情

過高郵寄孫君孚

蘇軾

過淮風氣清一洗塵埃容水木漸幽茂塘蒲雜游龍可

憐夜合花青枝散紅茸美人游不歸一笑當誰供故園  
在何處已偃手種松我行忽失路歸夢山千重聞君有  
負郭二頃收橫縱卷野畢秋獲殷牀聞夜舂樂哉何所  
憂社酒粥面釀宦游豈不好毋令到千鍾

次韻定慧欽老見寄

蘇軾

閒居蓄百毒救彼跛與盲依山作陶穴掩此暴骨橫區  
區效一溉豈能濟含生力惡不已出時哉非汝爭

江月五首

蘇軾

嶺南氣候不常吾嘗云菊花開時乃重陽涼天佳月即  
中秋不須以日月為斷也今歲九月殘暑方退既望之  
後月出愈遲然余嘗夜起登合江樓或與客遊豐湖入  
棲禪寺叩羅浮道院登逍遙堂逮曉乃歸杜子美云四  
更山吐月殘夜水明樓此殆古今絕唱也因其句作五  
首仍以殘夜水明樓為韻

一更山吐月玉塔臥微瀾正似西湖上湧金門外看冰  
輪橫海濶香霧入樓寒停鞭且莫上照我一杯殘

二更山吐月幽人方獨夜可憐人與月夜夜江樓下風  
枝久未停露草不可藉歸來掩關臥唧唧蟲夜話

三更山吐月棲鳥亦驚起起尋夢中遊清絕正如此驅  
雲掃衆宿俯仰迷空水幸可飲我牛不須違洗耳

四更山吐月皎皎為誰明幽人赴我約坐待玉繩橫野  
橋多斷板山寺有微行今夕定何夕夢中遊化城

五更山吐月窓迥室幽幽玉鉤還掛戶江練却明樓星  
河澹欲曉鼓角冷知秋不眠翻五詠清切變蠻謳

遷居之夕聞鄰舍兒誦書欣然而作

蘇軾

幽居亂蛙黽生理半人禽  
跼然已可喜況聞絃誦音  
兒聲自圓美誰家兩青衿  
且欣習齊味未敢笑越吟  
九齡起韶石姜子家日南  
吾道無南北安知不生今  
海濶尚掛斗天高欲橫參  
荆棘短牆缺燈火破屋深  
引書與相和置酒仍獨斟  
可以侑我醉琅然如玉琴

次韻子由所居

蘇軾

幽居有古意義井分西牆誰言三伏熱止須一杯涼先  
生坐忍渴羣鷺自披猖衆散徐酌飲逡巡味尤長

和陶淵明飲酒

蘇軾

道喪士失已出語輒不清江左風流人醉中亦求名淵  
明獨清真談笑得此生身如受風竹掩冉衆葉驚俯仰  
各有態得酒詩自成

和陶淵明愁詩楚調示龐主簿及鄧治中

蘇軾

當歡有餘樂在戚亦顏然淵明得此理安處故有年嗟  
我與先生安處良奇偏人間少宜適惟有歸耘田我昔  
隨軒冕毫釐真市廛歸來臥重裯憂愧自不眠如今破  
茅屋一夕或三遷風雨睡不知黃葉滿枕前寧當出怨  
句慘慘如孤煙但恨不早悟猶推淵明賢

和陶淵明雜詩

蘇軾

真人有妙觀俗子多妄量區區勸粒食此豈知子房我  
非徒跣相終老懷未央死縛淮陰狗功指平陽哀哉



亦可羞世路皆羊腸

和陶淵明庚戌歲九月中於西田獲早稻

蘇軾

蓬頭二獠奴誰謂愿且端晨興灑掃罷飽食不自安願  
治此圃畦少資主游觀晝功不自覺夜氣乃潛還早韭  
欲爭春晚松先破寒人間無正味美好出艱難早知農  
圃樂豈有非意干尚恨不持鋤未免駢我顏此心苟未  
降何適不間關休去復歇去食菜何所歎

和淵明始作鎮軍參軍經曲阿

蘇軾

虞人非其招欲往畏簡書穆生責醴酒先見我不如江  
左古弱國強臣擅天衢淵明隨詩酒遂與功名踈我生  
值良時朱金義當紆天命適如此幸收廢棄餘獨有愧  
此翁大名難久居不思犧牛龜兼取熊掌魚北郊有大  
賁南冠解囚車眷言羅浮下白鶴返故廬

和淵明詠三良

蘇軾

此生太山重忽作鴻毛遺三子死一言所死良已微賢

哉晏平仲事君不以私我豈犬馬哉從君求蓋惟殺身  
固有道大節要不虧君為社稷死我則同其歸顧命有  
治亂臣子得從違魏顆真孝愛三良安足希仕宦豈不  
榮有時纏憂悲所以靖節翁服此黔婁衣

和陶淵明貧士

蘇軾

夷齊耻周粟高歌誦虞軒產祿彼何人能致綺與園古  
來避世士死灰或餘煙末路亦可羞朱墨手自研淵明  
初亦仕絃歌本誠言不樂乃徑歸視世差獨賢

夏晝

章望之

一日常百刻轉若車輪忙千日十萬刻百年能心長達  
者齊古今一生甚微茫夏日豈為永而足以較量人世  
不足惜行善乃自彰無及間暇時般樂為淫荒夷齊餓  
人者顏閔非公王其人品孰亞周氏與虞唐亦用仁義  
積豈今身未亡富貴無可恃莫與公道強夜思晝以力  
四序皆流光示君夏晝誦惕惕其自傷

宿簡寂觀

袁 陡

名山崇祕祠終夜得清賞真氣溢空浮流泉隨砌響林

巒片月散殿閣高風行天際斗杓直庭中盤石橫

即六修青

朝斗之石逸人今何之故嶺不改秀白鶴唳松梢青燈見在

竇恍追汗漫駕深悟逍遙言四顧羣動寂寞心歸灝元

再遊雲居

登山有三路去冬自防潭曰西庄而上取姚田庄路唯麥庄一路未行

袁 陡

風吹嶺頭樹似欲招行客緣雲過絕頂復見紫霄宅平  
觀三百里下視八千丈隼擊九秋嚴鵬展萬里合五老

鎮相望西岫天與敵可笑培塿羣亦自矜寸碧氛埃卷  
宇宙鴈鷺下川澤既諧惠智心若蹈聖賢域危亭據中  
峰回抱竦天壁沈沈古帝坐左右列夔稷舉頭河漢通  
直欲攀南極合奏天地籟兩耳清歷歷吁嗟萬類微胡  
為競朝夕安知太清上我方適所適尚思西巘路去冬  
躡雙屐高興挹洪厓大句鼓天力到今巖壑間浩浩起  
金石安得少陵翁物外講新格重來羈韉在欲隱世累  
迫多謝受命松長存歲寒色

覆驗餘姚道中

王存

一夫死非命滌驗更兩吏一囚坐法誅三覆與衆棄去  
年交趾敗殺戮無賤貴江淮屢歲青積殍溝壑穢聖人  
於赤子愛重若彼至謹小以遺大誰其原帝意

雜興三首

鮮于侁

幽居觀物變天道固盈虛炎取日方熾微陰一已生涼  
風動野草桃李先飄零蜩蟬集高柳絡緯響空庭愁心  
獨耿耿宵夢竟難成

一氣幹元造為功未嘗煩羣生自委化天地亦何言  
脛不可增楮葉不可鐫欲益固為損勞心非自然不見  
平陽侯醇酒聊終年

三王貴養老取重在乞言酒醴副佳餚黃髮斯皤然朝  
廷本忠厚風俗亦變遷豈意漢道微侍中惟少年耆舊  
無倫問李公所以難

新堂夜坐月色皎然由連理亭信步庭中徘徊久  
之因為五言一首

鮮于侁



秋風動微涼天雨新霽後閒齋獨隱几明月在高柳振  
衣步庭下顚氣入襟袖天空雲漢明隱約辨列宿蒼蒼  
松檜上零露飛欲流去聲脫葉滿閒園繁華迫衰朽清宵  
望蟾彩宜付一盃酒多病謝樽壘城頭轉寒漏

海州觀放鵲搏兔不中而飛去 沈存中

秋霜濯空林暮日在峰頂冥冥起長風稍稍絕遺影  
禽值猛搏俯取不待頃豈非求者乖矯翮成遠騁未能  
謝榛芥那用遽悻悻此心竟可憐得失未宜病

觀餘姚海氛

謝景初

海上風與雨未朕先氣升澤鹵雜山雲翳鬱相薰蒸交  
語面已障安辨丘與陵衣襦帶革緩臭腥殊可憎自非  
昌其陽疾癘得以乘君子却陰邪何必醫師能

餘姚董役海隄有作

謝景初

五行交相陵海水不潤下處處壞堤防白浪大於馬顧  
予爲其長恐懼敢暫捨董衆完築塞跋履率曠野使人  
安於生茲不羞民社調和陰與陽自有任責者

法喜堂

謝景初

虛堂避風雨結

開

不務壯外飾無髣髴置物况容長

開篋藥劑靈拈碁白黑抗階花澹亦天庭石碧交向出  
門鳥雀喧燕處物我喪吳俗夸有素佛徒侈相尚獨能  
守質靜坐以矯流宕棲之果自喜何須山海上海上

村居

文與可

日影滿松窓雲開雨初止晴林梨栗熟曉巷兒童喜牛  
羊深澗下鳬鴈寒塘裏田父酒新成餅甕饋隣里

新晴山月

文與可

高松漏疎月落影如畫地徘徊愛其下夜久不能寐怯  
風池荷卷病雨山果墜誰伴予苦吟滿林啼絡緯

屬疾梧軒

文與可

高梧覆新葉滿院發華滋白日一何永清陰閒自移暖  
蟲垂到地晴鳥語多時病肘倚枯几泊然忘所思

宋文鑑卷十八

# 欽定四庫全書

集部

宋文鑑卷

十九至  
二十一

詳校官監察御史<sub>臣</sub>劉湄

助教<sub>臣</sub>常循覆勘

總校官降調編修<sub>臣</sub>倉聖脉

校對官中書<sub>臣</sub>高 中

謄錄監生<sub>臣</sub>王利賓

欽定四庫全書

宋文鑑卷十九

宋 呂祖謙 編

五言古詩

買炭

蘇轍

苦寒搜病骨，絲纆莫能禦。  
折薪燎枯竹，勃鬱煙充宇。  
西山古松樾，材大招斤斧。  
根槎委溪谷，龍伏熊虎踞。  
挑抉靡遺餘，陶穴付一炬。  
積火變深黯，牙角猶忿怒。  
老翁睡

破甑正晝出無屨百錢不滿籃一坐幸至莫御爐歲增  
貢園直中常度閭閻不敢售根節姑付汝升平百年後  
地力已難富知夸不知嗇俛首欲誰訴百物今盡然豈  
惟一炭故我老或不及預為子孫懼

早行

孔文仲

客興謂已旦出視見落月瘦馬入荒陂霜花重如雪海  
風吹萬里兩耳凍幾脫歲晏已苦寒近北尤凜冽况當  
清曉行遡此原野濶笠飛帶繞頸指強不得結農家煙

火微炙手粗可熟豈能迂我留而就苟且活仰頭視四  
宇夜氣亦漸豁苦心待正晝白日想不缺

逍遙亭

潘興嗣

作亭名逍遙此理誠不虛寬於一天下原憲惟桑樞况  
我卜清曠風雨庇有餘方池容潏灩小徑足縈迂花木  
頗窈窕松筠亦扶疎鳴蛙送鼓吹好鳥來笙竽可琴亦  
可詠可飲亦可娛盤雖無下筯賓食亦有魚恢論或申  
旦隱几忘移晷因來展足眠醉倒從人扶率爾但付暢



因煩而領無鄴侯三萬軸方朔五車書棄置復棄置任  
自相賢愚無妨吾逍遙此樂誠何如

師道

潘興嗣

師道久不振小儒咸自私破崖求圭角務出已新奇惻  
惻去聖遠六經秦火隳不有傳授學涉獵安所為漢儒  
守一經學者如雲隨承習雖未盡摸法有根基薦紳立  
朝廷開口應萬機附對皆據經金石確不移熟爛見本  
末較然非可欺吾願下學官各立一經師務盡道德業

不取章句辭庶幾昔人風炳然復在茲

過百里大夫冢

黃庭堅

行客抱憂端況復思古人何年一丘土不見石麒麟斷  
碑略可讀大夫事霸秦虞公納垂棘將軍西問津安知  
五羊皮自粥千金身末俗工媒孽浮言妬道真幸逢孟  
軻賞不愧微子魂

寄秉夷

黃庭堅

少時誦詩書貫穿數萬字爾來窺陳編記一忘三二光

陰如可玩老境翻手至良醫曾折足說病廼真意

和子瞻粲字韻二首

黃庭堅

公材如洪河灌注天下半風日未嘗撓晝夜聖所歎名  
世二十年窮無歌舞玩入宮又見妬徒友飛鳥散一飽  
事難諧五車書作伴風雨暗樓臺雞鳴自昏旦雖非錦  
繡贈欲報青玉按文似離騷經詩窺閨睢亂賤生恨晚  
學曾未奉巾盥昨蒙雙鯉魚遠託鄭人緩風義薄秋天  
神明還舊貫更磨薦襴墨推挽起疲懦忽忽未嗣音微

陽歸候炭仁風從東來拭目望齋館鳥聲日日春柳色  
弄晴暖漫有酒盈樽何因見此粲

元龍湖海士毀譽各相半下牀臥許君上牀自永歎大  
夫屬有念人物非所玩坐令結歡客化為煙霧散武功  
有大略亦復寡朋伴詠歌思見之長夜鳴鴉旦東南望  
彭門官道平如按簡書束縛人一水不能亂斯文婉拒  
鬯可用圭璫盥誠求活國醫何忍棄和緩開疆日百里  
都內錢朽貫銘功甚俊偉廼見儒生懦且當置是事勿

求冰作炭上帝羣王府道家蓬萊館曲股夏簟寒炙背  
冬日暖只令文字垂萬世星斗粲

寄師載

黃庭堅

齊地穀翔貴排門無饜饋二仲有甘旨奉親亦良勤原  
田水洗洗何時稼如雲無民願豐歲政旨不忘君

過家

黃庭堅

絡緯聲轉急田車寒不運兒時手種柳上與雲雨近舍  
傍舊傭保少換老欲盡宰木鬱蒼蒼田園變畦畛昭延

屈父黨勞問走婚親歸來翻作客顧影良自哂一生萍  
託水萬事雪侵鬢夜闌風隕霜乾葉落成陣燈花何故  
喜大是報書信親年當喜懼兒齒欲毀齒繫船三百里  
去夢無一寸

上冢

黃庭堅

自公返蓬華稅駕上丘隴霜露此日悲松楸十年拱養  
雖數羽毛初不及承奉康州斷腸猿風枝割永痛少年  
不如人登仕無前勇髮疎牙齒搖鯨波怒號洵願為保

家子敢議世輕重稱觴太夫人魚菜贍庖供

題王黃州墨蹟後

黃庭堅

掘地與斲木智不如機舂聖人懷餘巧故為萬物宗世  
有斲泥手或不待郢工往時王黃州謀國極匪躬朝聞  
不及夕百壬避其鋒九鼎安盤石一身轉秋蓬浮雲當  
日月白髮照秋空諸君發蒙耳汲直與臣同

和張文潛贈晁無咎二首

黃庭堅

龜以靈故焦雉以文故翳本心如日月利欲食之既後

生玩華藻照影終沒世安得八紘置以道獵衆智

談經用燕說束棄諸儒傳濫觴雖有罪未派瀾九縣張  
侯真理窟堅壁勿與戰難以口舌爭水清石自見

留王郎

黃庭堅

河外吹沙塵江南水無津骨肉常萬里寄聲何由頻我  
隨簡書來顧影將一身留我左右手奉承白頭親小邦  
王事略蟲鳥聲無人王生解鞍馬夜語雞喚晨母慈家  
人肥女慧男垂紳有田為酒事豚韭及秋春生涯得如



此舊學更光新索去何草草少留慰難勤百年才一炊  
六籍經幾秦要知胸中有不與跡同陳郢人懷妙質聊  
欲運吾斤

和孔常父雪

黃庭堅

春皇賦上瑞來寧黃屋憂下令走百神大雲庇九丘風  
聲將仁氣艷艷生瓦溝寒花舞零亂表裏照皇州千門  
委圭璧曉日不肯收元年冬無澤穴處長螟蝱兩宮初  
旰食補袞獻食籌有道四夷守無征萬邦休耆年秉國

論涇渭極分流輟耒入班品逸民盡歸周股肱共一體  
間不容戈矛人材如金玉同美異剛柔政須衆賢和乃  
可踈共歿改弦張敝法病十九已瘳王指要不匿蝕非  
日月羞桑林請六事河水問九疇天意果然得玄功與  
吾謀此物有嘉德占年在麥秋近臣知天喜玉色動冕  
旒儒館無他事作詩配崇丘

次韻荅邢惇夫

黃庭堅

為山不能山過在一簣止渥洼騏驎兒墮地志千里岷

江初濫觴入楚乃無底將昇聖人堂道固有廉陞邪子  
好少年如世有源水方求無津涯不作蛙井喜兒中兀  
老蒼趣造甚奇異過閱王公門袖中有漫刺別來阻河  
山望遠每障袂斯文何千載有志常寡遂後生文楚楚  
照影若孔翠不應太玄草晞價咸陽市雨作枕簟秋官  
閒省中睡夢不到漢東茗椀乃為祟聞君肺渴減頗復  
佳食寐讀書得新功來鴈寄一字

題竹石牧牛

黃庭堅

野次小崢嶸幽篁相依綠阿童三尺簞御此老鰈石  
吾甚愛之勿遣牛礪角牛礪角尚可牛閒殘我竹

贈秦少儀

黃庭堅

汝南許文休馬磨自衣食但聞郡功曹滿世名籍籍渠  
命有顯晦非人作通塞秦氏多英俊少游眉最白頗聞  
鴻鴈行筆皆萬人敵吾蚤知有覲而不知有覲少儀袖  
詩來剖蚌珠的皪乃能持一鏃與我箭鋒直自吾得此  
詩三日臥向壁挽士不能寸推去輒數尺才難不其然

有亦未易識

謝公定和二范秋懷

黃庭堅

西風一葉脫迹已不可掃  
巷有白馬生朝回焚諫草  
誰云事君難是亦父子間  
所要功補袞不言能犯顏

宿舊彭澤懷陶令

黃庭堅

潛魚顧深渺淵明無由逃  
彭澤當此時沉冥一世豪  
司馬寒如灰禮樂印金刀  
歲晚以字行更始號元亮  
淒其望諸葛骯髒猶漢相  
時無益州牧指揮用諸將  
平生本

朝心歲月閱江浪空餘詩語工落筆九天上向來非無人此友獨可尚屬予剛制酒無用酌杯盞欲招千載魂斯文或宜當

題宛陵張待舉曲肱亭

黃庭堅

仲蔚蓬蒿宅宣城詩句中人賢忘巷陋境勝失途窮寒  
道書萬卷零亂剛直胸偃蹇勲業外嘯歌山水重晨雞  
催不起擁被聽松風

和邢惇夫秋懷二首

黃庭堅

王度無畦畛包荒用憑河秦收鄭渠成晉得楚材多用  
人當其物不但軸與適六通而四闢玉燭四時和  
相如用全趙留侯開有漢名登泰山重功略天下半讓  
頗封韓彭事成羣疑泮天道常曲全小智驚後患

次謝與迪所作竹

黃庭堅

吾宗墨修竹心手不自知天公造化鑪攬取如拾遺風  
雪煙霧雨榮悴各一時此物抱曉節君又潤色之抽萌  
或發石懸簷有跼危林梢一片雨造次以筆追猛吹萬

籟作微涼大音稀霜兔束豪健松煙泛硯肥盤桓未落  
筆落筆必中宜今代捧心學取笑如東施或可遺巾幘  
逕悞如辛毗生枝不應節亂葉無所歸非君一起予哀  
病豈能詩憶君初解鞍新月掛彎眉夜月上金鏡坐歎  
光景馳我有好練絹晴明要會期漪漪淇園姿此君有  
威儀願作數百竿水石相因依它年風動塵洗我別後  
思開圖慰滿眼何時遂臻茲

次韻楊明叔見餞十首

黃庭堅



平津喜牧豕，飲飛能斬蛟。終藉一汲黯，淮南解兵交。楊子有直氣，未忍死草茅。引之入漢朝，誰為續絃膠。

楊君清渭水，自流濁涇中。今年貧到骨，豪氣似元龍。男兒生世間，筆端吐長虹。何事與秋螢，爭光蒲葦叢。事隨世滔滔，心欲自得得。楊君為已學，度越輩流百坐。捫故衣，蝨垢襪。春汗黑，睥睨紈袴貌。可飲三斗墨。

清淨草玄學，西京有子雲。太尉死宗社，大鳥泣其墳。寂寥向千載，風流被仍昆。富貴何足道，聖處要策勲。

桑輿金石交既別十日雨子輿裹飯來一笑相告語楊  
君困簞瓢諸公不能舉儻可從我歸沙頭駐鳴榔  
山圍少天日孤鬼能作妖睽閃載一車獵人用鳴臬小  
智窘流俗蹇淺不能超安得萬里沙霜晴看射鵰  
元之如砥柱大年若霜鷄王楊立本朝舉世作郭郭觀  
公有膽氣似可繼前作文夫存遠大胃次要落落  
虛心觀萬物險易極變態皮毛剝落盡唯有真實在侍  
中乃珥貂御史即冠豸顧影或可羞短蓑釣寒瀨

松柏生澗壑坐閱草木秋金石在波中仰看萬物流  
駸自駸駸伊優自伊優但觀百世後傳者非公侯  
老作同安守蹇足信所便胸中無水鏡敢當吏部銓恨  
此虛名在未脫世糾纏夢作白鷗去江南水如天

拜劉凝之畫像

黃庭堅

棄官清潁尾買田落是灣身在菰蒲中名滿天地間誰  
能四十年保此清淨退往來澗谷中神光射牛背

跋子瞻和陶詩

黃庭堅

子瞻謫嶺南時宰欲殺之飽喫惠州飯細和淵明詩彭澤千載人東坡百世士出處雖不同風味乃相似

次徐仲車因婁行父見寄之詩

黃庭堅

前朝老諸生太半正丘首投荒萬里歸煩公問健否往時望江宰今為夏津吏它日可教之玉音尚無棄

遊蔣彥回玉芝園

黃庭堅

春生瀟湘水風鳴澗谷泉過雨花漠漠弄晴絮翩翩名園上朱閣觀後復觀前借問昔居人岑絕無炊煙人生

須富貴河水清且漣百年共如此安用涕潺湲蔣侯真  
好事杖屨喜接連車載溪中骨堆排若差肩厭看孔壬  
面醜石反成妍感君勸我醉吾亦無間然亂我朱碧眼  
空花墜便翫行動須人扶那能金石堅愛君雷式琴湯  
湯發朱絃但恨賞音人太半隨逝川平生有詩病如瘡  
不可痊今當痛自改三釁復三瀟

沐浴有感

彭汝礪

去垢如去邪不欲留毫分髮不止一沐身不止三熏如

何迷本原浴德不自勤區區養穢棘俯仰愧前聞

就食

楊蟠

未知田上勞徒厭鼎中味及與農事接方驚食者貴余  
生寡營求念此豈易致况敢懷寸祿平居但羞愧

古興

沈遼

我不歎白髮安得新少年往者不失勢後來豈能賢世  
間亦多士倚伏良有緣寄語夸奪子古人已皆然

濰陽

徐積

嘗聞唐李氏世號為賢妻以力營七喪或謂難庶幾孰知蔡家婦其事乃同之豈特在中饋無往而無儀孝於其所尊慈於其所卑既知義所在能終義所為我生至此極我嫁逢百罹其屬死略盡其骨俱無歸身為未亡人心乃真男兒以已任其責無忘須臾時但恐事不濟安知恤寒飢乃捐奉生具而為送亡資面不御膏沐首不加冠笄金珠鬻於市文繡容何施更無囊中裝唯有身上衣殆將截其髮幸苟完其肌所得蓋良苦所積從

細微如此十年久猶以為支離日時卜諸良宅兆相厥  
宜一舉十八喪一旦得所依手自植松楸身亦沾塗泥  
何暇裹兩足但知勤四肢居者嘆於室行者泣於岐鳥  
亦助叫號人思操薰裡冥冥長夜魂所獲喜可知鬱鬱  
佳城中不為中道尸卒辦其家事少慰而心悲義深海  
可涸行堅山可摧孤誠貫白日幽光凌虹霓吾聞古烈  
女榮榮非無奇一死蓋易處一節亦易持至如張氏者  
使人尤歔歔誰為孝婦傳誰為黃絹碑亦有淮上翁為



述睢陽詩移書太史氏無令茲逸遺

別三子

陳師道

夫婦死同穴父子貧賤離天下寧有此昔聞今見之母  
前三子後熟視不得追嗟乎胡不仁使我至於斯有女  
初束髮已知生離悲枕我不肯起畏我從此辭大兒學  
語言拜揖未勝衣喚爺我欲去此語那可思小兒襁褓  
間抱負有母慈汝哭猶在耳我懷人得知

示三子

陳師道

去遠即相忘歸近不可忍兒女已在眼眉目略不省喜  
極不得語淚盡方一晒了知不是夢忽忽心未穩

田家

陳師道

雞鳴人當行犬鳴人當歸秋來公事急出處不待時昨  
夜三尺雨竈下已生泥人言田家樂爾苦人得知

送蘓公知杭州

陳師道

平生羊荊州追送不作遠豈不畏簡書放麕誠不忍一  
代不數人百年能幾見昔如馬口街今為禁門鉉一雨

五月涼中霄大江滿風帆目力短江空歲年晚

送李奉議亳州判官

陳師道

祁氏號外府藏室多異書自公有餘力一覽意何如為  
學雖日益受益不受誣正須高著眼濠梁有游魚

觀兗文忠公家六一堂圖書

陳師道

生世何用早我已後此翁頗識門下士略已聞其風中  
年見二子已復歲一終呼我過其廬所得非所蒙先朝  
羣玉殿冠佩環羣公神文煥王度喜色見天容御榻誰

復登帝書元自工黃絹兩大字一覽涕無從似欲託其  
子天意人與同歷數況有歸敢有貪天功集古一千卷  
明明並羣雄誰為第一手未有百世公廟器刻科斗寶  
樽播華蟲緬懷弁服士酬獻鳴琤琮挿架一萬軸遺子  
以固窮素琴久絕絃棊酒頗闕供向來一瓣香敬為曾  
南豐世雖嫡孫行名在惡子中斯人其已遠千歲幸一  
逢吾老不可待草露濕寒蛩

咸平讀書堂

陳師道

昔人三百篇善世已有餘後生守章句不足供嘯嘯一  
登吏部選筆硯隨掃除閒閣書眉嫵隔屋聞歌呼奉公  
用漢律寧復要詩書俛首出跨下枉此七尺軀今代陶  
朱公不作大梁屠計然得未用意得輕全吳為邦得畿  
縣政密自計疎寧書下下考不奉命急符用意簿領外  
築室課典謨平生五千卷還舍不間途舊事更漢唐稍  
以詩自娛復作無事飲醉臥擁青奴桃李春事繁軒窗  
畫景舒鳴屋鳩喚雨窺簷燕哺鵲休吏散篇秩修篁獻

笙竽聽然一啟齒斯民免為魚

次韻答晁無斁

陳師道

女生願有家名妾以不聘田里亦慕君又惡不由正欲  
行不問塗已破寧顧甑耕蠶無一廛庖井要三徑還家  
憂患餘挽須兒女競十年寧有此一寒可無命平生晁  
夫子得士公室慶稍無車馬音復作賓客請論文到韓  
李念舊說蘓鄭長年斷消息獨語誰和應此生恩未報  
他日目不瞑歸臥無好懷扣門有佳聽誰來雪霜後更

覺天字淨少好老未工持刃授予柄

宋文鑑卷十九